


**P355/2**  
**LUSOGA**  
**Paper 2**  
**July/Aug. 2024**  
Saawa 2<sup>1/2</sup>



# **AITEL JOINT MOCK EXAMINATIONS.**

## **Uganda Certificate of Education**

### **LUSOGA**

#### **Olupapulo Olw'okubiri**

Okusoma bwino, Okufunza, n'Eby'obughangwa

**Esaawa ibiri n'ekitundu (2<sup>1/2</sup>)**

#### **ENDAGIRIRO**

*Olupapulo luno lugabiibwamu ebitundu bisatu **A,B**, ni **C**. Lulimu ebibuuzo bina.*

*Ekitundu A ni B bya buwaze.*

*Mu kitundu C mulimu enamba ibiri. Kolaku ndala, 3(a) oba (b).*

*Iramu ebibuuzo bisatu aghalala.*

*Ebibuuzo ebiswika mu byolagiirwa okukola tibirikeberwa.*

*Ghandiika eby'okwiramubyo mu mpapulo edhikugheereibwa*

**BWIKULA**

## **EKITUNDU A:** **Okusoma Bwino**

### *1. Soma olufumo luno omale oiremu ebibuuzo ku nkomerero yaalwo.*

Mu myaka gya ndhala bikutiya yaliyo kyabanzinga gha Busoga gwe baayetanga ekisegeese ekitaliibwa nsolo. Isebantu oyo yali n'abaana abaghala musanvu mulambirira. Aye bwe baasunia amabeere ni bakazighala, yaakoba ati omusaadha yeena yeena alibateeba amainha gaibwe amatuufu nkani geene geene n'alibeghangulira ku bwereere yaababayiza. Abasaadha kamaala beesombanga okuteeba amainha gaibwe aye nga busa naire.

Lwali lulala, munhwanco yeeghaanira ku baine nga mwene bwaja okweghangulira ebimyula ebya kyabazinga. Olunaku olwairaku yeesuuta nga bwaidi obukodyo obw'okubitamu aghangule. Mu bwire pwi pwi, yaatandiika okwetegekera olugendolwe. Obwire, endoolo tidhamugema ghaire, ekitegeeza ezira mpeke ya ndoolo gyeyalambaalaku naire. Yesala ekanzu, empale enhimpi, ekooti ng'okobanga oti se kabiri bwa minisita gha byampiiya. Mwene yali n'endhuuba ekoba eti anaasanhusa kyabazinga yaacuusa endowoozaye. Bweyali yaakata ekigere ekisooka ku luya lwa kyabazinga, yaayeta baghalabe omusanvu baidhe baanhirize munhwanco n'ebitiibwa eby'ekitalo.

Abaguna baidha mwikukuubira era baatema emizira egy'aghaigulu ni munhwanco amalusu nkani oluleke lwamutoonha nga takisuubiire.

Munhwanco olwamala okulamusa kyabazinga, tiyalonzalonza olw'akasigirike. Ng'esambo ekoba eti, "ogh'akasubusubu taiba mugaabe", nooyo atyo bwe yali! Nga abbotola ekyamuli ghansi gh'omwoyo gwe, kyabazinga yaalagira abaghalabe batyame mu lunhiriri gha mberi ghe munhwanco. Olwamala, yaamukakasa nti ezira kyamwendaku okutoolaku okuteeba buli liinha lya mughalaghe ng'ava kwasooka okutuuka kwasembayo aghazira kumumuntiza! Munhwanco yaagezimuliira agho

entuuyo n’entuuyo dhaamwituka okutuusa bwe yakoba ati ekidiba kiirira mwenekyo, yaagema emuleese!

Wankudu ye yasala amagezi yaatega omulawo oguliku ekirevu abaghala abo ghe bagherera enku kabiri mwene yeekweka gha mbali nga tibasobola ku mubona. Abaghala olwaidha okugherera enku, akulembiremu yaabona omulawo oguliku ekirevu, yaayeta ati “Nabwonso ,Mbwali” n’abandi bayetagana boonaboona omusanvu, eno wankudu bwawulira era bweyetegeza. Yawuuna bwire kuja gha kyabazinga kumukakasa nga kwasobola okuteeba amainha ga baghalabe era abeetwalira. Kyabazinga mu kusooka yaasekerere wankudu era ng’ensambo ekoba eti, “babinga mina ng’ebikire biseeta”. Abaguna tibaasuubira wankudu kuteeba mainha gaibwe. Ebyembi nga binaidha, n’empengere agaagha” kabiri n’amawolu gatuuyania”. Wankudu yaamenha eriinha irala kwirala yaawangula abaguna musanvu era mu bukake, kyabazinga yaabagabira wankudu aje abatokomolemu abaana nga bwe bakoba empanga n’ensenhe. Ekyalo kyainhogoga ku lunaku olwo.

### **Ebibuuzo**

- (a). Gha. Omutwe ogutuukaanira ku lufumo luno. (obuta 02)
- b). Nokolayo amainha abiri ag’abaghala ba kyabazinga. (obuta 02)
- c). Naani amalusu gwegatoonha era lwaki? (obuta 02)
- d). Olufumo luno lukwegeresa ki? Inhonhola. (obuta 04)
- e). Olowooza abaguna baali basanhufu okuja ni Wankudu? Gha ensongadho. (obuta 03)
- f). Olowooza kyabazinga yasubira wankudu okughangula? Inhonhola (obuta 03)
- g). Inhonhola amakulu ag’ebigambo bino nga bwe bikozeibwa mu lufumo.
- i). Abatokomolemu abaana (obuta 02)
- ii). Ekyalo kyainhogoga (obuta 02)

**EKITUNDU B: Okufunza**

2. Soma ekikutu kino n’obwegendereza omale oiremu ekibuuzo ekikubuuziibwa ku nkomerero yaakyo.

Embeera ey’abaana abasomi eri kwewuninkiriza buli muntu. Ti basomesa bonka, abazaire aye n’abaana beene beeghuunia kiki ekyabatuukaku. Ensoma yaibwe esebengereire ate yaatiisa. Abaana bafuna ni ziiri yeene wegghuunia ni kyebaaja okukola kwisomero nga tokibona. Omwana yaafuna obubonero bwasinga emyaka. Omwana ow’emyaka eikumi n’omukaaga yaafuna obubonero bubiri! Abantu bali kunoonereza era nga ensonga esooka eva ku bazaire abalemereirwa okutereeza ensonga dhaibwe edh’omumaka ni bakomenkereza nga baaghukainhe. Endhaghukana dhikosa inho abaana baaba nga tibakaategeera mu bibiina. Abazaire abandi balemereirwa okwekamba okusasula empiiya dha fiiza n’eby’okukozesa. Omwana amala omwezi ng’atyaima ghaka ate bwairayo kwisomero yaaba ng’azira byakukozesa ng’enkalango, sukaali ebitabo n’ekalaamu. Omwana adaagadaaga n’ekyokukola kyamubula. Abazaire abandi bakozesa inho abaana emirimu, baaja okutenduka nga tibaghanga kusomaku bwire. Balambaala okutuusa kunco.

Abaana abasomi abandi bali n’ekighuuka mu bwongo. Bwebava ghaka tibatuuka kwisomero. Bamala gaja mu butale baasiibeeyo, batajiire kwisomero. Abandi mu kulya fiizi, beerema. Buli sente dhebabaagha baiza bwa kuminhwa. Leero olingirira abaana ghaabeeghuunia. Omwana aba mwisomero yeekweka mu laatu kuba tayenda kusoma. Omusomesa bwamukobaku, obwoni alwiguliire ku pata. Tibenda kubakobaku waire okubalaga enjira yebateekeirwa okubitamu. Abandi baayega okwibira kale abasomesa bwebanhwezaamu enkuuma y’ebibuuzo ng’obwo bagwa kyangalama. Abasomi leero beegema endoolo. Bwebasoma mu kibiina tibairayo kughembula bitabo okutuusa ebibuuzo nga bituuse. Bwekituuka ku bwenzi ekyo toghaya kuba kino n’ekisinze kubiiya mbeera. Omwana amalira ebiroghoozo ku mwana mwine n’ekyamuleeta kwisomero yaakyerabira. Abaana empisa baadhisuula muguluka ate nga omwana ow’empisa yenka n’asobola okubita. Omwana aja yatondogola omusomesa ekivaamu omusomesa oyo tairamu kumubuulirira.

Eriyo ebintu ebireeteira irala obuzibu, *nfuniramu gha?*, *buli mbuzi ku nkondo yaayo n’ono mweta ntya*. Abantu abandi tibakaafaayo ku basomi olwebyo ebintu ebisatu. Omuntu bwaba tafunamu, aba tasobola kudaaga. Engeri abaana yebanhoomamu abasomesa, abasomesa boona baakoowa okubayamba. Omulembe gwa tekinoologiya gwonoine abaana. Abandi baidha n’amasimu, abandi bali n’esente okusingaku abasomesa; kale beenhumiriza mwebyo mu kifo eky’okusoma. Ebintu nkuyandha biremeesa abaana okubita emisomo gyaibwe nga bwebasainhe, aye ebyo n’ebikulu. Abasomi mweyambe musome kuba obwo n’obulamu bwaimwe. Bwemuteeyambe ezira anaabayamba

*Gonza Alice.*

**Eky'okukola:**

*Mu bigambo nga 100 yambaku maamawo okutegeera ekikutu kino obukalamu nga okifunza nkani okiwumbawumbaku ng'omukoberaku ensonga lwaki abaana bagwa inho emisomo gyaibwe. (Obuta 10)*

**EKITUNDU C : Obughangwa**

Kola eky'okukola **kirala** kyonka mu kitundu kino (obuta 20)

3 . Mu busoga ghano ba dhaadha baife abeira baalinga n'ebintu bingi byebaalonsanga okusobola okukuuma abantu baibwe mu mbeera enhungi. Ebindi byalinga bituufu ate nga ebindi tibuufu aye byali bya mugaso inho mu bulamu bwaibwe okugeza nga omwana omulenzi okutyama ku kinu agwa empalama ekintu ekyakumanga obuyondho mu baana abato kuba baali nga batya okukityamaku nga balowooza bati baidha kugwa empalama.

**Eky'okukola:**

Ng'omusoga omutuufu, lonsaaku emironso ikumi ng'ogha n'ekyentiisa ba dhaadha kyebaalowoozanga okuva mu mulonso ogwo.

**Oba**

4. Omwana omughala bwakula abita mu bintu kamaala ebimufuula omuntu omukulu era yaatandiika okuba ni byayenda okukola era olubona ng'akuze, atandiika okwegezaaku mu gomasi dha inhina.

**Eky'okukola:**

Olowooza bwaba asazaawo okuja okufumbirwa, bintu ki ebisaine okukolebwa nga alikuja okufumbirwa ng'osinziira ku bughangwa bw' Abasoga?

**BIKANZE GHANO**